

Dod yn Arolygydd Cymheiriaid neu Arolygydd Ychwanegol yn y sector Addysg Athrawon

Ynglŷn â'r rôl

Rydym yn chwilio am uwch arweinwyr mewn Addysg athrawon i fod yn Arolygwyr Cymheiriaid ar gyfer y sector. Mae Arolygwyr Cymheiriaid yn rhan allweddol o'n tîm arolygu. Os ydych chi'n cymhwyso fel Arolygydd Cymheiriaid, byddwch yn defnyddio'ch gwybodaeth a'ch medrau i arsylwi sesiynau, siarad â dysgwyr, a chraffu ar enghreifftiau o'u gwaith. Byddwch yn cael trafodaethau gyda rhieni a staff addysgol, ac yn defnyddio'ch arsylwadau i ddrafftio adrannau o'r adroddiad arolygu. Mae bod yn arolygydd cymheiriaid yn gyfle gwyh i weld arfer effeithiol lle ar waith, a mynd â'r enghreifftiau hyn yn ôl i'ch darparwr i gefnogi gwelliant.

Cymhwysedd

Arolygwyr Cymheiriaid

Byddwch yn gallu arolygu trwy gyfrwng y Gymraeg a/neu'r Saesneg, a byddwch:

- yn arweinydd mewn darparwr addysg gychwynnol i athrawon mewn prifysgol, yn gweithio ar lefel arweinydd rhaglen neu'n uwch; neu
- yn uwch arweinydd / uwch fentor mewn ysgol arweiniol yn darparu addysg gychwynnol i athrawon mewn partneriaeth â phrifysgol
- mewn swydd barhaol
- yn meddu ar o leiaf ddwy flynedd o brofiad arwain
- yn meddu ar o leiaf bum mlynedd o brofiad addysgu
- yn cael cefnogaeth eich Is-Ganghellor / Pennaeth / Cadeirydd y Llywodraethwyr / Rheolwr Gyfarwyddwr

Rhaid i chi feddu ar y canlynol:

- dealltwriaeth ddiweddar a chadarn o faterion addysg, gan gynnwys diwygio addysg yng Nghymru
- medrau cyfathrebu a TGCh da
- gallu i weithio yn unol â therfynau amser tynn
- medrau gwaith tîm cadarn.

Arolygwyr Ychwanegol

Rhaid i chi fod yn uwch arweinydd yn eich sefydliad, neu wedi ymddeol o ysgol, prifysgol

neu sefydliad perthnasol arall a bydd gennych chi:

- statws athro cymwys
- profiad o arwain fel uwch arweinydd, neu o fod wedi gweithio ar lefel ranbarthol neu genedlaethol yn y sector addysg a hyfforddiant
- dealltwriaeth ddiweddar a chadarn o faterion addysg, gan gynnwys diwygio addysg yng Nghymru
- medrau cyfathrebu a TGCh da
- gallu i weithio yn unol â therfynau amser tynn
- medrau gwaith tîm cadarn.

Os gwnaethoch gais blaenorol i ddod yn Arolygydd Cymheiriaid, ond ni chawsoch wahoddiad i'r hyfforddiant, byddem yn hapus i ystyried cais newydd os ydych chi o'r farn bod eich profiad yn bodloni'n gofynion erbyn hyn.

Dewis a hyfforddi

Byddwn yn cysylltu â chi ynglŷn â chanlyniad eich cais erbyn **13 Ebrill 2026**. Bydd yr hyfforddiant ar gael yn Gymraeg ac yn Saesneg, a bydd yn cynnwys:

- **Tri diwrnod o hyfforddiant**

Mae hyn yn cynnwys asesiadau llafar ac ysgrifenedig, a fydd yn cynnwys:

- Un diwrnod ar-lein ar **8 Mai 2026**
- Dau ddiwrnod wyneb yn wyneb ar **2 a 3 Mehefin 2026**

- **Arolygiad(au) prawf**

Cewch eich defnyddio mewn arolygiad asesedig, a bydd yr arolygydd arweiniol yn graddio eich perfformiad. Bydd angen i chi gael gradd A neu B i lwyddo.

Mae hyfforddiant Arolygwyr Cymheiriaid yn rhad ac am ddim, a byddwn yn talu eich costau teithio a chynhaliaeth yn ogystal â llety (os ydych chi'n gymwys) yn unol â'n [polisi teithio a chynhaliaeth](#).

Cymeradwyaeth

Er mwyn mynychu hyfforddiant ac, os yn llwyddiannus, mynychu arolygiadau, mae'n rhaid i ni derbyn cymeradwyaeth gan eich cyflogwr. Rhaid derbyn hwn cyn yr hyfforddiant neu ni fyddwch yn gallu mynychu. Bydd e-bost yn mynd at y cyswllt rydych chi wedi'i rannu yn eich cais.

Tystysgrif y Gwasanaeth Datgelu a Gwahardd

I fynychu arolygiad, mae'n rhaid i chi gwblhau'r asesiadau'n llwyddiannus a chael

tystysgrif Uwch ddilys gan y Gwasanaeth Datgelu a Gwahardd (GDG). Rhaid i'r dystysgrif fod yn llai na thair blynedd oed ac yn cynnwys y categori Gweithlu Plant. Unwaith y byddwn wedi derbyn eich tystysgrif, bydd ein tîm Cynllunio ac Ymestyn yn cysylltu â chi gyda manylion yr arolygiad asesedig.

Rydym yn argymhell eich bod yn gwneud cais am dystysgrif GDG cyn gynted ag y byddwch wedi pasio'r hyfforddiant wyneb yn wyneb – gall gymryd hyd at chwe wythnos i'r dystysgrif gael ei chyhoeddi. Unwaith y bydd gennych eich GDG, neu os oes un gennych eisoes, anfonwch gopi wedi'i sganio at dbschecks@estyn.gov.wales a chynnwys enw a dyddiad yr hyfforddiant fel y gallwn wirio ei fod yn bodloni ein gofynion. **Ni fyddwch yn cael eich defnyddio nac yn cael eich ystyried fel eich bod wedi pasio'r hyfforddiant yn llawn nes bod eich tystysgrif wedi'i derbyn.**

Defnyddio

Ein nod yw defnyddio arolygwyr cymheiriaid ac arolygwyr ychwanegol dim mwy na theirgwaith y flwyddyn. Pan gewch eich defnyddio mewn arolygiad, byddwn yn talu cyfraniad i'ch ysgol am athro cyflenwi, ar gyfradd safonol. Byddwn yn talu'ch costau teithio a chynhaliaeth hefyd.

Bob blwyddyn, rydym yn gwahodd pob Arolygydd Cymheiriaid i fynychu hyfforddiant diweddarau yn ystod tymor yr haf; rhaid i chi fynychu'r hyfforddiant hwn er mwyn gallu parhau i fod yn arolygydd cymheiriaid. Ni chodir tâl am yr hyfforddiant, ond ni allwn dalu costau cyflenwi na chostau teithio a chynhaliaeth.

Sut i wneud cais

Ffurflen gais ar-lein: <https://www.smartsurvey.co.uk/s/IPIPTD/>

Dyddiad cau: Canol dydd, 24 Mawrth 2026

Mae unrhyw feysydd â * wrth eu hymyl yn orfodol, felly ni fyddwch yn gallu cyflwyno'r ffurflen heb roi ymateb yn y meysydd hyn. Os na fyddant yn berthnasol i chi, rhowch 'Dd/B'.

Manylion cyswllt

Mae'r pecyn hwn yn cynnwys yr holl wybodaeth y mae arnoch ei hangen am y rôl a'r broses ymgeisio, ond os oes gennych ragor o gwestiynau, anfonwch neges e-bost atom: digwyddiadau@estyn.llyw.cymru neu ffoniwch ni ar 02920 44 6510.

Edrychwn ymlaen at dderbyn eich cais.